


NOTFAU: Linus, 11j.



suechet dringänd äs nöiis Daheime mit Freigang

Sali zäme

Hoi, ig bi dr Linus. Seh ig nid us, aus ob ig zwinkere? Nei, ig zwinkere nid, mir fäuts Äugli, het mer müesse usse näh, ig ha abr cheis Problem dermit. Ig schriibe hie, wiu ig dringänd es nöiis Daheime suech. Warum? Mis liebs Froueli isch verschtorbe u itze bin ig ganz allei uf diesere Wäut. Ig wärd zwar no vo di Nachabre versorget, abr das geit nid uf Duur. U ig wott doch wiedr e eigene Mönsch ha, genau so en liebe, wie ig's die ganz Johr ha dörfe ha. Drum!

Ig bi 11jährig, kaschtriert, gimpft, chipped, schtuberein u gsung. Bi en ganz en liebe, aahängleche Chatr. Momentan abr es bitzeli dur de Wing düre, ig verschteh eifach grad d'Wäut nüm. Froueli isch weg, bi grad ziemlech iigschüchteret, abr ig toue uf, wenn ig Di ha dörfe chennelehre, bi bschtächlech, Ja, ig ässe gärn, sähr gärn. U ig schmüesele gärn, ou sähr gärn, abr nur wenn ig es wott. Ig zeiges Dir denn, nur hochhebe u ummetrage, das isch nid mis. Was ig mir wünsche tue, fragsch Du? Ig bi gnüegsam: e liebe Mönsch, der wo zu mir lueget u mi lieb het u mi uf Läbensziit wott verwöhne. U Freigang ir verchehrsarme Umgäbig, das hätt ig ou gärn wiedr. Durchs Törli düre (damit Du nid immr Türliöffner schpiue muesch), mau zu de Nachbare luege u zu di Nachbare vo die Nachbare, eifach luege, was drusse so geit. Was ig so gar nid mag? Ching u Hüng u angeri Chatze im Huushaut, das chenn ig nid, wott ig liebr nid daheime.

Churz: ig sueche ganz dringänd es liebevous ruhigs Daheime bi geduudigi Lüüt, gärn eis odr zwöi Mönsche, di vii dihei sy, ig chennes so no vo mim Froueli. Chasch Du mir so öppis biete u hesch Du Di es bitzeli i mi verguggt? U möchtisch Du mi uf Läbensziit verwöhne u mi lieb habe? U wohnsch Du verchehrsberuhigt odr hesch Du villiicht sogar en Garte? MIN Garte? So vii Wunsch, gäu? Abr Du hesch gfragt. Ja? Uh, das wär's! Denn müesset mir üs unbedingt lehre chenne. Ig wohne im Moment no z'Rümlang/ZH, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöii Plätzli. Mir pressiert's es bitzeli!

Din Linus



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch